

Нет автора

Памятники старинной русской литературы

Выпуск 4

УДК 304
ББК 60.5
Н57

Н57 **Нет автора**
Памятники старинной русской литературы: Выпуск 4 / Нет автора – М.: Книга по Требованию, 2021. – 228 с.

ISBN 978-5-458-00375-9

Памятники старинной русской литературы, издаваемые графом Григорием Кушелевым-Безбородко.

ISBN 978-5-458-00375-9

© Издание на русском языке, оформление
«YOYO Media», 2021
© Издание на русском языке, оцифровка,
«Книга по Требованию», 2021

Эта книга является репринтом оригинала, который мы создали специально для Вас, используя запатентованные технологии производства репринтных книг и печати по требованию.

Сначала мы отсканировали каждую страницу оригинала этой редкой книги на профессиональном оборудовании. Затем с помощью специально разработанных программ мы произвели очистку изображения от пятен, клякс, перегибов и попытались отбелить и выровнять каждую страницу книги. К сожалению, некоторые страницы нельзя вернуть в изначальное состояние, и если их было трудно читать в оригинале, то даже при цифровой реставрации их невозможно улучшить.


Разумеется, автоматизированная программная обработка репринтных книг – не самое лучшее решение для восстановления текста в его первоизданном виде, однако, наша цель – вернуть читателю точную копию книги, которой может быть несколько веков.

Поэтому мы предупреждаем о возможных погрешностях восстановленного репринтного издания. В издании могут отсутствовать одна или несколько страниц текста, могут встретиться невыводимые пятна и кляксы, надписи на полях или подчеркивания в тексте, нечитаемые фрагменты текста или загибы страниц. Покупать или не покупать подобные издания – решать Вам, мы же делаем все возможное, чтобы редкие и ценные книги, еще недавно утраченные и несправедливо забытые, вновь стали доступными для всех читателей.

**ПОВѢСТИ РЕЛИГІОЗНАГО СОДЕРЖАНІЯ,
ДРЕВНІЯ ПОУЧЕНІЯ И ПОСЛАНІЯ,**

ИЗВЛЕЧЕННЫЯ ИЗЪ РУКОПИСЕЙ

НИКОЛАЕМЪ КОСТОМАРОВЫМЪ.



ПОВѢСТЬ

О НИФОНТѢ, ЕПИСКОПѢ НОВГОРОДСКОМЪ.

Мѣсяца апрѣля въ 11 день.

ЖИТІЕ ПРЕПОДОБНАГО ОТЦА НАШЕГО НИФОНТА,

смысла къ пощѣнъ къ келѣнцѣ лавры Никейскѣя пещеры, къ началу къ преподобныхъ отецъ Антонія и Феодосія, посѣмъ слыша епископомъ, къ Белкомъ Нокѣградѣ и достойно памяти исправкиша дѣла. Списано епископомъ Варлаамомъ, смиреннымъ мнѣхомъ. Благослови, отчѣ.

(Изъ рукоп. XVII в.).

Благословенъ Богъ Отецъ вседержитель, творецъ небу и земли, видимымъ же всѣмъ и невидимымъ. Благословенъ единородный Сынъ Слово Божіе, безначале иже отъ Отца родися Богъ, отъ Отца премудрость, всѣхъ составленіе содержай и сила всея твари сотворша. Благословенъ параклитъ святыи и животворящій Духъ, отъ Отца исходяй и Сыномъ являемъ человекомъ, всесоставная единосущная святая Троице, Отецъ и Сынъ и святыи Духъ, содержавная славою, собствомъ, царство неискоренимое, безначальное естество, владычне достоинство, естественная благостыни!

Въ Троицы единъ Богъ, содѣтель и содержитель и промысленикъ всѣхъ, дая просящему мудрость и разумъ, не презря согрѣшившаго, но положи во спасеніе покаяніе, егоже поютъ небесныи силы и славятъ воинства аггелъ, того убо преблагаго и премилостиваго Бога благодарствуя и азъ недостойный и худый во всѣхъ мнѣсѣхъ священноинокъ Варлааміе, аще иѣсмь достоинъ на славословіе, того благостыня, тому и приношу исповѣданіе и велѣбпому и молюся оуслышати

мя, въ онъже день аще призову тя, яко дати ми слово ко отверженію устъ моихъ, яко да исповѣмъ слово добродѣтели, пользы душевныи исполнено; воистинну бо того достойно благословити и молитися емоу непрестанно и призывать на помощь, сошедшимся намъ въ память святаго великаго отца, аже о немъ нынѣ списаніе впереди да глаголется, Нифонта реку, бывшаго въ величій лавры Печерскія божественныхъ отецъ Антонія и Феодосія ангельскимъ житіемъ и пребываніемъ, пришедша и посемъ священія столпъ украсивша Великаго Новаграда, многи же души спасше и Богу приведша, и равноапостольскую благодать приимша отъ Бога, и проповѣда во всемъ мирѣ слово истинно, исправляше вѣру святыи Троицы. Понеже Божій даръ человекомъ даровася сей отецъ нашъ, воистинну святыи великій Нифонтъ, преже созданія его, иже въ оутробѣ матерни избранъ бѣ Богомъ вышнимъ и преже роженія своего освященъ бѣ Духомъ святымъ на великіи престолъ Великому Новоуграду, пасти стадо христовиленное словесныхъ овецъ новокрещеныхъ людей

яко и житія иноческаго оуставъ емоу имѣти и священія истиннаго образъ праведный емоу хранити.

Аще боле есть силы моя начатокъ положихъ житія святаго великаго отца Нифонта, но оубо нѣчто зачнетъ ми честная и милостивая она душа, многогрѣшному и недостойному своему рабу, такового бисера во уста своя скверная прияти ми, или во умъ свой скудный вмѣстити. Овому же оуразумлено будетъ, разумѣйте же вси душеполезнаго сего житія послуши, ничтоже еже къ силѣ недостаточествующа: Аще болѣ къ достоянію недостаточествую, подобаетъ же мало бывше слово приведша, яко отъ нѣкоея таковыи великин сей моужь благочестноу и святоу и милостиву родителю рождься; и о имени же отца его, такоже и матери, въ повѣстехъ нигдѣже писаніе не объяви, иже многа лѣта прешла соуть до написанія сего, иже въ первая лѣта его не написана быша о имени родителей его. И сего не свѣмы писанію предати, но токмо вѣмы, яко отъ благочестноу родителю и святоу рождься сей великин отрокъ.

Баху же благочестнии родителие святаго отрока отъ великаго и столнаго града Кіева, отъ окрестныхъ мѣсть града того, во благочестіи живуще и много милостыню отъ своего имѣнія дающе церквамъ Божиимъ и причетникомъ церковнымъ, и трапезы имъ оустраяше въ домоу своемъ, и оучрежаше доволне сей моужь благочестивый и съ соупругою своею многожды; такоже нищихъ и страныхъ и малоимущихъ миловаше, и трапезу имъ поставляше множицею, и тако творяхоу родителие блаженнаго отрока и до исхода души своя еже отъ тѣлеси; и паки всегда хождаху въ церковь Божию близняго мѣста веси тоя родителие же блаженнии они, и моляху Бога и пречистую Богородицу со многими слезами, чтобы имъ послалъ Богъ плодъ чревной, понеже бо безчадни баху они. И оуслыша Богъ чистую молитвою ихъ, и дасть имъ плодъ чревою мужескии полъ, сего блаженнаго отрока, о немже намъ повѣсть впреди предлежитъ, якоже древле пророка Самойла. И абіе рождшуся семоу великому отроку отъ таковоу родителю

благочестноу, понеже Богъ не презри молитвы родителей онѣхъ и дасть имъ плодъ чрева и милостыни ихъ ради многи и чистоты и добраго ихъ житія иже къ Богу, и тако родителие великою радостію и желаніемъ сердечнымъ принесоша отрока въ церковь Божию, иже близъ домоу ихъ, идѣже и молебныи глаголы възсылахоу къ Богу, и тоу крестияши и во имя Отца и Сына и святаго Духа, во единосуцноую и нераздѣлимую Троицу, и нарекоша имя емоу въ святомъ крещеніи Никита. И о семъ бысть радость велика въ домоу родителей онѣхъ о рожденіи блаженнаго отрока, и милостыня баше многа, оучреженіе въ той день прозвитеромъ и причетникомъ церковнымъ, и сосѣдомъ и нищимъ. Якоже древле Иоакима и Анноу оуслыша Богъ паче надежа и неплодная има ложесна разверзе и дасть имъ плодъ чревою пречистую Дѣву Богородицу Марію, иже породила намъ Господа нашего Исуса Христа, спасителя всему миру, спаша насъ отъ прелести діаволя; такоже и сего святаго отрока родителей не презрѣ Богъ моленія ихъ, и милостыня ихъ ради и добрыхъ дѣлъ дасть имъ плодъ чрева. И о семъ вси славяху Бога и пречистую Богородицу, и отхождаху въ домы своя.

И по семъ отроку оному ѹстраившуся мало нѣчто возрастомъ, и вдавъ бываеетъ родителямии своими оучитися божественнымъ книгамъ. И абіе вскорѣ никако извыкшу книжное ученіе, и нимало искожаше съ сверстникии своими на игры дѣтскія, но паче привлежаше къ церкви Божіи и въ сласть почиташе божественная писанія, и внимаше оумомъ еже спастися и въ разумъ истинныи принѣти и преставити чиста предъ Богомъ и предъ святыми ангелы, и предъ тмы тмами святыхъ — отъ всѣхъ злыхъ дѣлъ во второе пришествіе Христово. И печашеся блаженныи отрокъ о души своей, вещи безсмертїи, и ничтоже имѣнише житіе се, но паче снѣ и сонъ, или яко цвѣтъ травный вмалѣ является и вскорѣ погибаетъ. И тако блаженный отрокъ Никита отъ того времени никакоже печашеся о плоти своей, но врагъ немилостивый биваше

плоти своей, и нача воздержатися постомъ и бдѣніемъ и молитвами, и сладкихъ не ясти отнюдъ, но чтиаше день архангельскій, первой недѣли, сирѣчь поведѣльничіи, такоже и среду, иже въ среду предаша Жидове на пропятіе владыку Господа нашего Исуса Христа архiereомъ; такоже святыи добрѣ чтиаше и пятокъ, иже въ пятокъ въ шестый часъ распятъ бысть Господь отъ Жидовъ, волну ю страсть подъятъ за родъ человѣческій, за созданіе свое, оучитель нашъ Христосъ крестъ, копіе, трость, гвоздіе въ честныи и святыи ружья свои и возъ, такоже и оцетъ со желчию смѣсивъ, напоиша гоубу, на трость привесоша ко устомъ Господнимъ океанніи тїи Жидове; Христосъ же, вся сия терпя насъ ради и нашего ради спасенія, сие все понесе на пречистѣйи плоти своей, хотя насъ избавити; созданіе рукою своею, отъ работы вражия, иже праотець нашъ Адамъ первозданный и съ праматерию нашею Еввою заповѣдь Божию преступиша въ раи, прельшени быша отъ злаго діавола зміа, и паки же Христосъ на крестѣ распяся и рукописаніе Адамле раздра на дрѣвѣ, иже преда Адамъ на себя и на весь родъ свой, и въ то время честною кровію Христовою крестяся Адамъ, истекшею исъ честныхъ и со святыхъ его ребрь и съ ногъ Господнихъ; и посемъ самъ Господь нашъ Исусъ Христосъ сииде въ преисподняя страны земли и сокруши адскія веревы, и заклепы вѣчныи излома, и самого діавола Сатану связа неръшанными оузами желѣзными во вѣки и на вѣки, а Адама же и Евву и вся пророки и праведники, иже отъ вѣка держимыя, изведъ съ собою отъ преисподняго ада, и паки внидоша они во святыи градъ Іерусалимъ и лвишася многимъ по воскресеніи Господни; а нечестивии же осташа въ преисподнемъ ада тмы мрачныи и несвѣтныи со діаволомъ и со слугами его. И сие дождѣ. О немъ же слово да глаголется.

Отроку же блаженному Никиты тые три дни хранящюу во всемъ, ядъ же бяше блаженнаго хлѣбъ и вода, и то въ мѣроу емоу бяше. Не оугожаше святыи нимало плоти своей, но души повнноваше плоть свою,

якоже рабыню томаше ю алчбою и жаждою и бдѣніемъ и на земли леганнемъ, и молитва бяше во оустѣхъ его всегдашняя со слезами сердечными. Аще и въ мирѣ живяше и бѣлыя ризы носяще, но вся емоу бяше человѣческая исправленія.

О преставленіи къ Богу родителей блаженнаго отрока.

По малѣ же времени родителемъ святаго отрока отшедшимъ отъ соуетнаго житія сего къ Богу въ вѣчный покой, блаженный же отрокъ единъ остася въ дому родителей своихъ. И тако ихъ сохранивъ и предавъ гробуу чести и добрѣ, оуправивъ по нихъ поминаниемъ и милостынею многою, якоже лѣпо бѣ по умершихъ творити, и понеже желаніе велле имѣти отъ оуны версты святыи отрокъ Никита, еже отверчися мѣра сего соуетнаго и яже въ немъ долоу влекущая мудрованія и обленциса во иноческій чинъ и аггельскаго спребыванія, — еже и бысть, — и по семъ родителей своихъ имѣнію раздавъ нищимъ и малоомощнымъ, а ино, еже отъ имѣнія своего, церквамъ Божиимъ, блаженныи отрокъ Никита, понеже бо и самъ святыи желаше быти церковь святому Духу, еже и бысть, и по семъ самъ отшедъ святыи въ Печерскіи монастырь Киевскаго мѣста, и тамо паки молилъ игоумена монастыря того со слезами, да пострижетъ и во иноческій чинъ. Игоумень же паки повелѣ его пострици во иноческій чинъ, и абіе постриженъ бысть, и нарекоша имя его иноческое Нифонтъ. И добрѣ предався Богу и игоумену и братіи, и отъ того времени вдасть себе святыи на труды дѣломъ тѣлеснымъ, и бдяще по вся ноци во славословіи Божіи, мало сна пріимая, и воздержася отъ всѣхъ похотей тѣлесныхъ; въ среду же и въ пятокъ, такоже и поведѣльничіи, ни единости вкоушаше хлѣба, по въ молитвахъ пребываше и въ колѣнопоклоненіихъ, такоже и въ посты четыре постяся и бдя и на земли легая, тѣло свое изнуряя и своимъ руками дѣлая на братію, яко дивитися игоумену и всей братіи

смирению и покорению, и великому послушанию святого Нифонта и воздержанию его и бодрости. И тако игоумень и братія велики о немъ прославиша всемплотиаго Бога и пречистую Богородицу, яко такова свѣтилника и святаго мужа дарова Богъ Печерскія честныя обители.

О поставленіи святого отца Нифонта на епископію Великому Новоуградоу, и како видѣ святого Феодосія Печерскаго въ божественномъ откровеніи.

Блаженный отецъ Нифонтъ бысть оу черноризецъ Печерскаго иже въ Кіевѣ святаго монастыря, тѣхъ святыхъ Печерскихъ житію ревнуа. И за премногоую его добродѣтель, избранъ святаго Духа, по правилному извѣщенію, поставленъ бысть епископомъ Великому Новоуградоу, при великомъ князи Новгородскомъ Всеволодѣ Мстиславичѣ. И добръ пасяше стадо Христово новопросвѣщенное словесныхъ овецъ, и оучаше люди съ прилежаніемъ вѣрѣ Христовѣ и всѣмъ заповѣдемъ Божиимъ. И многія церкви во имя святыхъ поставляше въ Великому Новѣградѣ блаженный Нифонтъ, также и монастыри строаше святой со блаженнымъ княземъ Всеволодомъ Мстиславичемъ, нареченнымъ во святомъ крещеніи Гаврииломъ. Посемъ же блаженный князь Всеволодъ преставися въ богохранномъ градѣ Псковѣ, живъ едино лѣто, тамо и положены быша честныя его и святаго мощи, въ церкви святаго великомученика Дмитрія Селюньскаго въ Дамановѣ стѣны; и паки по лѣтѣхъ многихъ обрѣтены быша святаго мощи цѣлы и ничимже вреждены, и пренесены быша въ соборную церковь святаго Троицы, и тоу положены быша въ предѣлѣ святаго Благовѣщенія пречистѣй Богородицы; и тако многа и различна исцѣленія источаютъ отъ всѣхъ недуговъ съ вѣроу приходящимъ даже и до днесь въ память его; но паче же сами чудеса свидѣтельствуютъ отъ честныя его раки. — Сіе доздѣ, но на подлежащее выдемъ о блаженномъ Нифонтѣ, о немже слово да глаголется впрѣдѣ.

И по семъ блаженнымъ Нифонтѣ въ благохранимѣ градѣ Псковѣ созда церковь во имя боголѣпнаго Преображенія Господа Бога и Спаса нашего Иисуса Христа, между двою рекою — Великою рѣкою и Малею Мирожю, во славу Божию; и созда монастырь превеликъ зѣло и честенъ, и оукраси и вельми, и села вдаде многы на оустроение монастырю своему, и братію собора многоу на славословіе Божіе. И тоу святой остави во обители боголѣпнаго Преображенія Христова жезлъ свой на воспоминаніе братіи и въ память родомъ градоущимъ (жезлъ же той святаго Нифонта цѣлъ даже и до днесь молитвами его святыми пребываетъ въ большей церкви святаго Преображенія всѣмъ видимъ), и старѣйшиноу нмѣ игоуменомъ постави единаго отъ братіи честнаго и свята, и все емоу сватыи преда — строение монастыря своего и попечение еже о паствѣ; а самъ святой Нифонтъ отъиде въ Великій Новѣградъ.

И тамо бывшоу емоу на епископіи въ Великому Новѣградѣ довольно время, и паки слыша святой, яко отъ вселенскаго патріарха въ Россію иде во градъ Кіевъ Константѣинъ митрополитъ, и абие радости духовныя наполнився блаженнымъ епископъ Нифонтъ и помысливъ себѣ, рече, яко да обою совершоу: во обители пречистыя Печерскія боуду и преподобнымъ отцемъ Антонію и Феодосію поклонюся (понеже бо великоу вѣроу имѣа святой къ пречистѣй Богородици и къ преподобнымъ отцемъ Антонію и Феодосію) и отъ святителя благословеніе примоуся. И по семъ таковоу ради вины отъиде святой ко граду Кіеву, въ лѣто 1084-го. И тако пребывающоу святому во градѣ Кіевѣ въ Печерскомъ святомъ монастырѣ, ожидаше святой митрополита пришествія, баше бо святому отцу Нифонту вѣдомо, яко извѣстно отъ царствующаго града выиде Константѣинъ митрополитъ.

Въ то же время Климъ митрополитъ, столпъ святиельскій приимъ Кіевскія митрополіи не патріаршимъ благословеніемъ вселенскаго патріарха Цариграда, но своимъ изволеніемъ, и сего блаженнаго Нифонта по-

нуждаше Клима служить съ собою. Святин же Нифонтъ глаголаше ему: понеже не приялъ еси, отче, благословенія отъ святаго вселенскаго патриарха Царяграда, ни воспоминати тебе во святѣй службѣ, но поминую въ божественнѣй службѣ святаго патриарха Царяграда. И такоже паки Климоу весьма разъярившуся и привоужающу святаго служить съ собою, и поминати повелѣваше себе въ божественнѣй службѣ, святый епископъ Нифонтъ никакоже не хотя сего сотворити, еже поминати Клима и служити съ нимъ. И за сие тако наоучаше Клима на святаго Нифонта князя Изяслава и своя ему поборники, яко да сотворятъ сватому нѣкое зло за преслушаніе святаго. И паки не возможе Клима митрополитъ съ своими поборники нимало зла сватому отцоу сотворити, но Божія благодать храняше его за его праведное страданіе, якоже рече Богоотецъ во словесѣхъ своихъ святин пророкъ и царь Давидъ, глаголя: тѣмъ съпяти быша и падоша — неправеднѣи поборники, а святин воста и исправися предъ Богомъ; не пренеже бо злоба наносимое на святаго никогдаже, и паки воспріять святитель Христовъ Нифонтъ вѣчно наслажденіе со святителя во царствіи небеснѣхъ.

Патриархъ же Царяграда, слышавъ яже о святѣхъ Нифонтѣхъ, наносимую скорбь на святаго отъ Клима митрополита, восхитившаго санъ святительскій на ся своимъ изволеніемъ, и присла вселенскіи патриархъ Царяграда ко сватому посланіе, сице рекъ:

Посланіе.

О святѣхъ Дусѣхъ сыноу и сослужебнику нашего смиренія радоватися о Господѣ, доброму пастырю Христова стада словесныхъ овецъ, господину епископу Великаго Новаграда Нифонтоу.

Слышахомъ, господине, о твоємъ праведномъ страданіи, иже Бога ради страждеша противоу Клима митрополита, иже безъ нашего благословенія взялъ на ся Киевскую митрополию своимъ изволеніемъ, и ты ему,

честный отче, запрещаеша о таковои величїи дерзости святительскія и не хоцеша, отче, съ нимъ служити, ни въ божественнѣй службѣ поминати его; и много отъ него досажденія злаго и оукоризны претерпѣлъ еси, святче Божїи. И ты, страдалче, и еще терпѣ о правдѣ Бога ради и не пренемогай отъ злаго сего аспіда Клима и отъ его злыхъ совѣтниківъ, и будещи причтенъ отъ Бога, брате, къ прежнимъ святымъ, иже твердо о православіи пострадавшимъ и иже по тебѣ бывшемъ святителемъ въ Роуской земли, и всѣмъ покажеша образъ терпѣнія своего. Миръ тебѣ, отче, и нашего смиренія, страдалче Христовъ, боуди на тебѣ благословеніе во вѣки. аминь.

Святин же, примъ патриарше посланіе и прочетъ, и весьма крѣпостию себе утвердивъ на противника Христовоу закону Клима митрополита. И тако блаженныи отецъ нашъ Нифонтъ, любовь имѣя велику духовную со княземъ Святославомъ со Олговичемъ (бѣ бо прежде того Святославъ сѣдѣ въ Новѣградѣ), бывшоу же сему блаженному Нифонтоу епископу во святѣхъ Печерскомъ монастырѣ и велию вѣроу имѣя святин къ преподобнымъ отцемъ Антонію и Феодосію, якоже речено бысть прежде, и абіе не по мнози времени постиже святаго отца Нифонта болѣзнь; оуже бо небесному званію пришедшу. И тако хотяше святый тѣлеснаго союза разрѣшиться и естества отдати долгъ небесному царю и владыцѣ Христу. И тако преже болѣзнь своея за три дня дивно видѣніе видѣ, и всѣмъ тоу повѣда — игоумену и братіи видѣніе оно, глаголя: «Пришедшу ми, рече, отцы святин, отъ заоутрени и мало почившоу, и абіе въ тонокъ сонъ сведенъ быхъ. И се обрѣтохся въ церкви Печерскія пресвятѣй Богородицы честнаго ея Оуспенія, на Святошнѣ мѣстѣ; и молящу ми ся много со слезами пречистѣй Богородици, да быхъ видѣлъ святаго преподобнаго отца Феодосія, и паки собирающимся братіямъ многимъ въ церковь святѣй Богородици, и приступивъ ко мнѣ единъ братъ и рече ми: хоцеша ли видѣти святаго отца Феодосія? И паки же отвѣщахъ и рекохъ братоу, явившему мнѣ,

глагола: зѣло желаю, честный отче, видѣти святаго отца Θεодосія; аще ти есть мощно, покажи ми его. И паки повмъ мя старецъ онъ, и введе мя во святыи олтарь, и тамо показа ми святаго отца Θεодосія. Азъ же смиренный, мѣи епископъ Неоптъ, видѣхъ преподобнаго, и отъ радости, притекъ, падохъ на нозѣ его и поклонихся святому до земли. Святыи же Θεодосіи востави мя отъ земли и нача благословити, и обуми ми святыма своима роукама отецъ Θεодосіе, и нача любезно лобызати мя и рече мнѣ: добръ, прииди, отче господяне пречестныи и сыну Неопте, и отселѣ боудеши съ нами неразлучно. И тако держащю преподобному Θεодосію въ руцѣ своей свитокъ, и мнѣ же просящю его, яко вда ми; и разгноухъ свитокъ онъ и прочтохъ. Беше же въ немъ написано въ началѣ сице: се азъ и дѣти, яже ми есть далъ Богъ. И въ той часъ возбноухъ, и не видѣхъ никогоже. И нынѣ, отцы святіи, вѣмъ, яко сѣя болѣзнь — посѣщеніе ми отъ Бога бысть.»

О преставленіи святаго отца Нифонта.

И по сихъ блаженныи отецъ нашъ Нифонтъ епископъ нача тѣломъ изнеогати, иже душею крѣпкіи, духъ же восхотѣ къ желаемому Христу предъ послати. И тако болѣвшу блаженному отцю епископу Нифонтоу въ Печерскомъ тонастырѣ гдѣ дней, і абие святыи, причастився на честный исходъ души своєю честномуу и святому тѣлоу и крови Христа Бога, и тако всѣмъ миръ давъ и благословеніе игоуменоу и братіи, и отъ нихъ взя благословеніе и миръ. И начатъ, на образъ Господа нашего Иисуса Христа взирая, и молити со слезами, глагола:

Молитва.

Но обаче молю ти ся, владыко мой Иисусе Христе, милостивъ боуди души моея, да не оусрашуть ея противныхъ лукавство, но да примуть ю ангели твои, проводятъ ю отъ томныхъ мытарствъ, и приводяще ю къ твоего милосердія свѣтоу.

И сие изрекъ, крестнымъ знаменіемъ знаменовавъ, и глагола: Господи, въ руцѣ твои предаю душу мою. И тако оуспе съ миромъ, мѣсяца апрѣля въ ѿ день, на свѣтлыи недѣли въ субботоу. Пасъ же святыи Нифонтъ церковь Божию въ Великомъ Новѣградѣ лѣта кѣ и осмь мѣсяцъ. И положено бысть честное и святое тѣло отца въ пещерѣ Θεодосіевѣ. Бысть же святыи средніи тѣломъ, брадоу же нѣбѣя продолгоу не велики и не широкоу, тѣмяноу, вполсѣдоу, свѣлася на четверо. И по семъ паки отъ раки честныя святаго много чудеса и различна бывають вѣрнымъ даже и до сего дни, молитвами его святыи. И тако къ любимому отцю приде, якоже общася емуу Θεодосіе преподобнымъ, вкоупѣ владыцѣ Христу предстояще и наслаждающеся неизреченныхъ онѣхъ небесныхъ красотъ и о насъ молящася, своихъ чадѣхъ.

Сицевы чюдніи моужи въ томъ святомъ Печерскомъ монастырѣ быша, иже мнози отъ нихъ апостоломъ сопричастницы быша и престоломъ ихъ намѣстницы; понеже бо сей блаженныи отецъ нашъ чудотворецъ Нифонтъ епископъ многи церкви Христовы во имя святыхъ оустрои, и монастыри въ Великомъ Новѣградѣ и по мѣстомъ, и многа чюдеса сотвори о Христѣ въ животѣ своемъ, и отиде отъ житія сего соуетнаго и плача достойнаго въ вѣчный покой и въ непроходимую и неизреченную радость, и преселися ко святымъ, иже отъ вѣка оугождашимъ Богоу, и тамо любимыхъ своихъ отецъ Печерскихъ Антонія и Θεодосія обрѣтъ и съ ними водворилсѣ еси въ небесныхъ селѣхъ, и нынѣ со всѣми святыи молятъ непрестанно о православномъ и христіюлюбивомъ царіи и великомъ князѣ, внярекъ, самодержцы всеа Русіи Великіи, и о всѣхъ благовѣрныхъ князѣхъ и о воехъ ихъ, иже Рускою землею пекущихся, и о всѣхъ православныхъ христіанѣхъ, иже даровати на враги, на невидимыи и видимыи, побѣдоу, на бесерменство и латинство и на вся яновѣрныи языки, иже блудящихъ отъ истинныя вѣры христіанскія и не примшихъ святаго крещенія во единосоупную и нераздѣлимую Троицу, и не почтѣю-

щихъ Господа Бога и Спаса нашего Иисуса Христа, единосущна и сопредстолна и нераздѣльна Отцу и Святому Духу и сѣдѣюще одесную Отца со единосущнымъ и животворящимъ Духомъ Святымъ. И паки приими имать второе на землю Господь нашъ Иисусъ Христосъ съ пречистою Богородицею, матерію своею, и со Предтечею, и со святыми апостолами и со всѣми небесными силами соудити живымъ и мертвымъ и воздати комуждо по дѣломъ его, праведнымъ — животъ вѣчный, а грѣшнымъ — муку безконечную, ейже конца не имущи во вѣки.

Похвала святителю Христову Нифонтоу, епископу Новгородскому.

Ты же, пречестный отце, святителю Христовъ прекрасный Нифонте, избѣгалъ еси темныхъ и лоукавыхъ духовъ мытарствія добродѣтельнымъ житіемъ и добрымъ изволеніемъ и страданіемъ праведнымъ отъ злаго аспіда Кліма, митрополита Киевскаго, и добръ, отче, прензылъ еси, яко въ бури носимъ, море житія сего, лютаго миродержца непостоянную поучивую, и побѣждалъ еси полки темныхъ бѣсовъ, и дошелъ еси, честный отче, святче божіи, горняго Іерусалима, идѣже Отецъ и Сынъ и Святыи Духъ і идѣже святыхъ отецъ ликове водворяются и праведныхъ души веселятся, и тамо наслаждаются неизреченныя радости царя царствующимъ владыки Христа, идѣже око не видѣ, ниже оуко слыша, ни на сердце человѣку взыде, яже оуготова Богъ любящимъ его и творящимъ волю его и хранящимъ заповѣди любящимъ. Ты же, святителю Христовъ Нифонте, вся заповѣди Божія дѣлы добрыми сохранилъ еси и со всѣми святители въ горнемъ Сионѣ водворился еси въ неизреченнѣй радости, идѣже всѣмъ веселящимся есть жилище.

И нынѣ, святителю Христовъ, оугодниче Нифонте, како тя похвалимъ, или кими похвалными вѣнцы вѣнчанимъ верхъ твоея добродѣтели, или которыми похвалами почтемъ мы, смиреннѣи и недостойнѣи раби

твои? Понеже бо хвалоу приялъ еси и вѣнецъ терпѣнія побѣды отъ вседержителя Бога. Хвалить бо Римъ великіи и со окрестными грады Петра и Павла, яже просвѣтиша святымъ крещеніемъ иновѣрныя языки и наущиша вѣровати ихъ во единосущную и нераздѣлимую Троицу. А Иоанна Богослова, дѣвственника и наперстника Христова, Ефесъ градъ великіи и Патмоскіи островъ и вся страна Асійская похвалными пѣснями почитаетъ, яко много капища бѣсовскія сокрушившаго силою Иисуса Христа, Сына Божія, и наущи(в)ша вѣровати многи языки Отцу и Сыноу и Святому Духу, во единосущную и нераздѣлимую Троицу, и во вся концы вселенныя яко громъ возгремѣлъ еси: искони бѣ Слово и Слово бѣ къ своему родителю; таже и прочее. Марка же великая Александрия хвалить, яко многи церкви во славу Христову создавшаго и епископы и попы и діаконы освятившаго, и люди наущившаго вѣровати во Христа. Также хвалить и Лоуку градъ Аньтиохія и со окрестными грады и весми, яко врача хитростію искуснѣйша, и многа исцѣленія цѣлбы творяща человѣкомъ о Исусовѣ имени во славу Христову, и написавъ часть божественнаго евангелія болѣ инѣхъ евангелиотъ, и Дѣянія Апостольска сложивъ къ нѣкоему Теофилу князю, и во дни Транана царя безбожнаго собравъ христіанъ множество мужей и женъ и младенецъ на мѣсто нѣкое, отъ града яко три поприща, идѣже себѣ святой мѣсто оуготова, и поучивъ ихъ о пользѣ душевнѣй и о возданіи боудущихъ и вѣчныхъ благъ отъ Господа нашего Иисуса Христа, яже воздастъ комуждо по дѣломъ его, и тако оупе съ миромъ и погребенъ бысть вѣрными на мѣстѣ томъ. Также хвалить и Греческая земля царя Константина съ матерію Еленою, равноапостольское дѣло сотвори(в)ша, и крестъ Христовъ и копіе и гвоздне обрѣтша. И градъ же Кіевъ и вся Руская земля великаго князя Владиміра похваляетъ; сей же Владиміръ просвѣтилъ быше Роускую землю святымъ крещеніемъ. Московская же земля Петра митрополита, яже во учевіи превеликаго. Ростовская же — святителя своего Леонтія епи-

скопа, сокрушившаго капища идольская и породившаго люди Ростовския божественнымъ крещеніемъ. Псковская земля оублажаетъ своихъ чудотворцевъ, великаго князя Всеволода Мстиславича, нареченнаго во святомъ крещеніи Гавріила, и преподобныхъ отецъ Ееросина и (с)постника его Савоу, Крыпецкія обители начальника, иже во мнозѣхъ и различныхъ чудесѣхъ і исцѣленіи просиявши, также и нынѣ творятъ непрестанно отъ честныхъ и святыхъ своихъ ковчеговъ, идѣже лежатъ святыя ихъ мощи; въ житіяхъ ихъ святыхъ свидѣтельствуегъ о чудотвореніи ихъ. О пречистѣйшіи святителю Христовъ Нифонте! тебе же хвалитъ Великій Новъградъ и вся земля Новгородская и Псковская, епископа своего, величностнаго во оученіихъ и крѣпкаго въ терпѣніи, и многи души спасша добродѣтельными своимъ оученіемъ и ко Христу приведшаго, и церковь Божию просвѣтившаго, и отъ ересей соблюлъ еси непоколебимоу и немаяжемоу.

Земля же Киевская и священныхъ множества и Печерская обитель, въ нейже сподобился еси яремъ Христовъ пріяти, и стада иночестіи и твоея ограды иноцы, юже составилъ еси во градѣ Псковѣ надъ Мирожскоу рѣкою, вси тебе духовными пѣснями воспѣвають, и похваляюще, глаголютъ:

Радоуйся, отца благочестива и матере благоговѣйны и доброплодны вѣтвь. Радоуйся, отче Нифонте, иже измлада Христа возлюбилъ еси и пречистую Богородицу, ейже и служитель бысть. Радоуйся, отче Нифонте, иже въ Печерскія обители всѣмъ на оустѣхъ былъ еси инокомъ, и вси, по Божѣ ревнующе твоему добродѣтельному житію, спасошася. Радоуйся, святителю Христовъ Нифонте, иже отъ столнаго града Кіева яко свѣтозарное солнце воссиялъ еси Великому Новограду, и престолъ мудрости Божіа оукрашилъ еси, и величностно апостольски люди своя научилъ еси оученіи божественныхъ словесъ медоточнаго языка, и всѣмъ всякъ былъ еси по апостолу, да вся и приобрѣлъ еси отъ Христа (Христу). Радоуйся, святителемъ изрядная похвало отче Нифонте, и нищимъ, бѣднымъ и вдо-

вицамъ заступникъ и кормитель былъ еси. Радоуйся, свѣтозарное солнце святителю Христовъ Нифонте, иже отъ Великаго Новаграда свыше званіе пріялъ еси отъ вышнихъ десницъ владыки Христа, и предтеклъ еси, отче, радуясь, яко на аерѣ къ славному граду Киевоу во свое отечество, идѣже яремъ Христовъ сподобился еси пріяти въ пречистыя обители Печерскія, и тамо преподобнымъ отцемъ Антонію и Феодосію поклонился еси, извѣщеніе отъ святыхъ пріялъ еси, отче прекрасне Нифонте, о своемъ преставленіи къ Богу. Радоуйся, отче Нифонте, преудобренный благодатию Святаго Духа и преукрашенный истинною и правдою оболченный. Радоуйся, отче прехвалне Нифонте, иже святыхъ ангель ликовъ съ радостію предстрѣтахоу ти и честно пріимахоу пресвятоую душу твою, почестъ творахоу, отче, души твоей и радостно съ духовными пѣснями приношаху душу твою ко престолу владыки Христа. Радоуйся, иже честно и радостно святоую душу свою въ рудѣ Господевіи предалъ еси, яко пресвѣтлая луна къ незаходимому солнцу Христу прииде и со всѣми святыми во дворѣхъ Господа Саваофа предпочилъ еси, и любимыхъ своихъ отецъ Антонія и Феодосія обрѣтъ и съ ними же Христу предстоиши, и тамо наслаждаешися доброты владыки Христа, челоуѣколюбца всѣхъ Бога. И моли о мирѣ всегдъ мира, о благосостояніи святыхъ Божіихъ церквахъ. Радоуйся, отче Нифонте, иже сподобился еси честнымъ твоимъ мощемъ положеномъ быти со отцы преподобными въ Киевскія пещеры, и тамо духи лоукавыя прогоними бывають отъ вѣрныхъ; но и на всякомъ мѣстѣ призваніемъ святаго твоего имени вси исцѣляхоуся во имя Христово.

Помоли же ся Христу Богу, священний отче Нифонте, за пречестѣйшаго архіерея Макарія, иже престолъ держащаго пречистѣй Богородици честнаго ея Оупенія во всей Великія Россіи і исправляющаго слово Божіа истинныя вѣры православныя, иже оуставляша праздновати соборнѣ память твоего честнаго и святаго преставленія, и предавшѣ святымъ Божіимъ цер-